



## GUERZ

EN HENOR DA ZANT CADO,

ESCOP HA MERSER,

*Composest gant Efflam l'HOSTIS, a  
baros Plestin, en bla 1776, ha le-  
get da imprim a gantunan e vugale.*

Var ton GUERS SANT EFFLAM.

1.

PELL a so em boa bet esper  
Da lacat lot deus ma amser,  
Da seriva eur Cantic breton,  
Agreabl da bobl ar c'hanton.

2.

Christenien deus a Plouillo  
Bezomp fidel da Sant Cado  
Goutennomp dre he brotecion  
Ma vo grāc Doue n'hon c'halon.

3.

Rac se emeus sonjet ertin  
E vige util ma dessein  
Trey a galleg e brezonec  
Eun histoar caer a meus cavet.

4.

Clèvet o heus a boe pel so  
Coms deus an autro Sant Cado ,  
E viraclo nac e vuhe  
Biscoas no heus clevet ane.

5.

Me a houlen gras an Drindet  
Da discleria dar Vretonet ,  
E vuhe santel er bet mān  
Ma halfomp ol e imitān.

6.

Guillelmus voa e tad hanvet  
A rans Constantin voa savet ,  
Gudalusa ret deus e vam ,  
Merc'h da eur Roue a Irland.

7.

Eun hermit a voa tost dar vro  
Elec'h ma voa ganēt Sant Cado ,  
A deu de glasq da vadei ,  
Ac e tud prest da consanti.

8.

Couscoude e voaint payanet ,  
Mes Doue en deus permetet  
Evit e gloar o inspiran  
Da lacat badei ar Sant-man.

9.

Pa voa deut Sant Cado en oat,  
E falveas neuse d'e dat  
E lacat prest da commandi  
E armeo, a do regli.

10.

Sant Cado ne euteure quet  
Combat evit treo ar bet,  
Guel voa gantan quittat e vro,  
E dat, e vam, ac e vado.

11.

Ep gout de dut e sortias,  
Ac en desert ec'h antreas,  
Eno voa eun hermit santed  
Da Doue serviger fidel.

12.

En pad daouzev vla e chomas  
Gant an hermit en hermitach,  
Occupet en de ac en nos  
Da honit gloar ar barados.

13.

An hermit a gas ar Sant man  
Eun de da guerhat dean tan  
Da eul logen dar bastoret  
A voa o vessan an denvet.

14.

Ar coquinet a lar dean  
Penos uen dije qet a dan  
Nemert e lacat a rage  
Da gas gantan en e ascle.

15.

Ar Sant leun a humilite  
A laca glaou en e ascle,  
Da gas de vest mat an hermit  
Ep drouc de corf na de habit.

16.

Neuse voe galvet eur sorcer,  
Eur magiscien, eun trompler,  
Ar mest pastor a fell dean  
En e hermitach e lasan,

17.

Mes Doue en deus permettet,  
Dal var ar plas ma voe rentet,  
A perclus e ol isili  
Ep gallout en em remui.

18.

Ar Sant leun a commpassion  
Pa er ncléo o houlen pardon,  
A yes en oreson fervant  
Ma voe gret yac'h en eun instant.

— 5 —

19.

Ar Prins Polentus o clevet  
 Ar miracl bras man en deus gret,  
 A roas eur canton dar Sant  
 An douar Sobrin en presant.

20.

Eno e heure batissan  
 Eur gouent neve ar gaeran  
 Elec'h ma heure eur miracl  
 A so meurbet considerabl.

21.

Unan deus an artisanet  
 Gant ar re al a voe laset,  
 Goude en en toljont er stanc.  
 Pebeus malheur dan dut mechant!

22.

Sant Cadoe en ressassitas,  
 E meas ar stanc en en tennas.  
 Dre e beden e teu Doue  
 Da rei dar man ar vuhe.

23.

Pen devoa e gouent peuplet,  
 En pelerinach en bet het

Da Scos da Ilis Sant Andre.  
A so migon bras da Doue.

24.

Goude men devoa gret eno  
Eun nombr bras deus a viraclo,  
Ebars en Frans en em rentas,  
A Sant Goar a saludas.

25.

Neuse ar Sant a antrepren  
Mont ive da Jerusalem,  
Dar plas en pini e voa bet  
Crucifiet Salver ar bet.

26.

En Itali en em rentas.  
Da treit ar Pap Yan e pocas,  
Seis vla e voe en e veach,  
Mes de gouent e retornas.

27.

Pa voa Sant Cado en oreson,  
E sant desir en e galon  
Da vont ive en Breis-Isel  
Evit presec an aviel.

28.

En Breis-Isel eo disquen net  
Gant cals a Religiuset,  
En eun enes eo arruet,  
Ebars en Escopi Guebet.

29.

An enes se a voa carguet  
A serpentet, a leonet,  
Mes a guichen mà antreas,  
Nicun anese ne chomas.

30.

Eno e heure batissan  
Eur gouent neve ar gaeran,  
En pini e canet nos de  
Meulodi dan Autrou Doue.

31.

Tremen a heure adare  
En Itali dre urs Doue,  
Anaveet voa dre ar vro  
Dre ar brud deus e viraclo.

32.

Dre se Sant Cado er vro se,  
A voe gret Escop ep dale,

Lequet voe da Escop ar Sant  
Ebars er Guer a Benevant.

33.

Gouvern a re e Escopi  
Gant madeles a gant sourci,  
Bea voa squer, a sclerigen  
Dar bop, a dan ol veleyen.

34.

A boe pel bras an Den Santel  
En devoa desir da vervel,  
A da gaout eur maro evrus  
O scuil e voat evit Jesus.

35.

Doue a sellaou e beden,  
A accord dean e houlen;  
Eun El, en assur, deus an ne,  
Penos e varvo ep dale,

36.

En amser se ar barbaret  
A re eun distruch bras meurbet,  
O ravagi partout ar vro  
A var ar meas, ac er querrio.

37.

Eur vanden deus an dut mechant  
A deu dar Guer a Benevant,  
En esper contanti o hoant  
Dre cals a aour a dre arc'hant.

38.

Ar Sant erve e ordinal  
A ya de Ilis Cathedral  
Ac en em dispos da laret  
E ofis ac e ofern bret.

39.

Pa voa an ofic commanset,  
Ar barbaret so antreet,  
Unan ane digonscians  
A las ar Sant gant eun tol lans.

40.

Chetu penos e voe laset  
Sant Cado gant ar barbaret;  
Recevet en deus en envo  
Ar recompans deus e euvro.

41.

Rac ar Sant voa tad ar bevien  
Pere voa e heritourien,

Tud clan carguet a c'houliou  
Voa mignonet da Sant Cado.

42.

Dre drue a compassion  
En em leque en oreson,  
Obten a re digant Doue,  
Yechet dan dut affliget se.

43.

Rac se pa man breman er gloa  
En deus hoas muin deus a pouar,  
Diredet ol tud affliget  
Ac e recefet ar yechet.

44.

Mes hui pere nen doc'h quet clan  
Bet recours ive dar Sant man,  
Goulennet dre e verito  
Ar pardon deus o pehesio.

45.

Ebars en paros Plouillo  
Emedi Chapel Sant Cado,  
Retablisset eo a neve  
Gant aluzen an dud a fe.

57

— 11 —

46.

Ar sul divea a Ebrel  
E man ar Pardon er Chapel  
Pehini so darempredet  
Gant cals deus a belerinet.

47.

An nombr bras a viquillenno  
A so en Chapel Sant Cado  
E discoe ec'h obten ar Sant  
Da cals a dut soulageamant.

48.

Eun dra vat ac util ouspen  
En evidomp ol, Christenien ,  
Bea devot da Sant Cado ,  
A dar Sent al so en envo.

49.

Mes ne quet avoalc'h quement se  
Evit sauvetat on ine ,  
Ret eo beva parfetamant  
Erve veuio or badeyant.

50.

Dar veuio se mar domp manquet ,  
Ober pinigen a so ret ,  
Ac ober eur binigen vat  
A vo da Doue agreab.

51.

Greomp eta ar mad bepret,  
Evel Sant Cado binniguet,  
Evit meuli gantan Jesus  
En eternite evurus.



E Montroulez, eus a Imprimeri LÉDAN.